



硃批諭旨

毛文銓奏摺



世揚所用之銀惟康熙六十年備辦凱旋浙江滿洲官兵船隻據開五萬四千九百八十餘兩之數項下十萬三千餘兩而內各官
奏明餘皆私用悉將水銀作抵臣查金世揚收存之皇上水銀爲數實多應否一面飭行藩司招勸商販悉照時價變銀還庫如還庫不足另摺

聞奏請發金世揚來黔賠補抑或目下卽令金世揚來黔黔自行銷賣還項至臣屬員中有柔懦無能者苗夷內有強梁不法者并臣標下兵丁不堪已極均宜加意整理容臣次第請

旨遵行外茲緣事關庫項理合先行奏

聞伏祈

睿鑒謹

奏

覽所奏甚屬可嘉如此毫無瞻顧據實直陳方不負朕委任封疆之意也勉力爲之金世揚已諭部將伊發往雲南清楚錢糧完日速回貴州彌補伊巡撫任內虧空之項另有旨外爾所奏數事交總理事務王大臣等密議一摺發來爾其照議遵行此朕諭令密議者不可入本具奏

黔省吏治戎政俱懈弛至不可問矣經張文煥劉蔭樞
莅任之後更爲不堪爾必竭力整飭一番方好趙坤能
清勤自勵實心任事否此任提督殊不及伊總兵之聲
名爾等宜文武和衷互相勸勉必如滇省一般同心戮
力無負朕期望之殷更聞貴州苗種不一而狎家苗尤
屬克狠近年來內地刁頑人民往往投入彼之巢穴勾
連生事報復私讐而營伍中每公攤銀錢以備贖取兵
弁之費竟有如此可笑之事如何其可究其所以總因
武備廢弛官兵不敢正眼覷視苗獠故爲此掩耳盜鈴
之舉以因循自便耳有司貪暴不恤民隱驅之爲盜武

弁畏懦不敢察詰任其逃亡頽風積弊至於此極爾亟
當悉心籌畫旣不可姑息以滋長惡習亦不可急驟致
激起事端逐漸整理勤而勿懈訓練營伍時時教演申
飭屬員務得民心更加懲奸癘惡除暴安良行有成效
庶不有忝厥職也將朕此諭亦通知趙坤或傳伊到省
領旨汝二人密相商酌諸凡講求萬全而爲之果能於
國計民生實有利濟處朕之耳目自能洞照也勉之勉
之

雍正二年五月二十九日貴州巡撫臣毛文銓謹

奏爲謹陳行伍情形仰祈
內
不
兼
辭
出
人
財

睿鑒事竊臣撫標兩營兵丁之內原不無精壯之人但

緣怠惰成風遂致委靡不振查每月向係三操至

貴州撫標之廢弛朕所深知教場每兵不過放數鎗射數箭輒各回家如遇風

霜雨雪便不出操臣訪查其故皆云相沿已久難

以督責臣到任後先結之以恩次繼之以威訓飭

封疆大吏常將言語諄切勸勵自必有益不教而殺謂

之虐教而不改然後繩之以法彼亦無怨矣

操臣除一面在外省聘取弓馬高强者到黔教習

外合先具

奏謹

覽

同日又

奏為奏明陋規事竊臣衙門共有節禮銀七千兩臣

聖主分文不敢收受外有藩司平頭銀二千兩標下親

奏丁銀二千一百餘兩貴陽等府州縣稅規銀三千

六百兩又有官租米八百石相應逐一

奏明應否作何賞給臣養廉之處伏乞

皇上指示欽遵臣更有請者營兵盔甲弓刀俱屬遠年

備用之物舊敝不堪悉須另製約計銀三千餘兩更有

地方公務需銀之處亦多黔省別無所有即俸工

殊批諭旨 四 毛文銓

一項現奉

諭旨地方公務不許動用俸工臣再四思維可否在於

前項七千兩內擇其可收者每年量收十之六七

令繳藩庫製備弓刀盔甲與夫應辦地方公務理

合一併

奏明仰祈

聖主睿鑒謹

奏

歷來天下督撫之羨餘養廉一事朕從未批諭一字某項應取某項不應取也祇在爾等取所當取而不涉於

貪用所當用而不流於濫須還朕一是字而已朕斷無有令爾等督撫司道以至州縣各官身受凍餒爲國家効力之理卽或一塵不染而毫無益於地方善者不能勸惡者不能懲甚至公務叢脞此等清宦形同木偶亦何足貴茲若令爾等取之烏乎可禁之尚多不肯遵奉竟諭令取之則何所底止若令勿取亦不可倘爾等但以潔已矯廉爲極則置庶務廢弛於不問因不取而致貽誤公事則爲害尤甚若止圖章奏美聽批諭合理令爾等陽奉陰違明辭暗受又非君臣交孚股肱心腹之道所以朕每訓諭爾等廉尚不可爲而況貪乎惟在爾

秉公執正以處之朕自能照鑒無庸奏白亦不須朕批諭也爾貴州幅幘不廣羨餘尚有限其他各省督撫豈朕之一言一諭所能包括無遺者歟朕惟總斷公私是非以作權衡至此等條欵煩碎細事朕實不達卽如爾所奏將七千兩繳庫應辦公務一說爾意果欲如此何必冒此請旨收節禮之名竟可傳集屬員將此項作何公用之處明白諭知自必通省宣聞朕諒爾之屬員亦未必不心悅而樂從寧須奏請於朕命巡撫收受節禮以辦公務耶朕實不便降諭爾其相機宜度情理實心爲國計民生竭力行去莫謂朕之照察遠而弗屆也勉

之
同日又

奏爲奏

聞事竊貴州一省僻處萬山之中夷多漢少苗賊苦害前數次差員過黔之便朕正爲此屢諭爾也定番州之案卷不可問矣名曰狝家苗通省惟貴陽府所屬之定番廣順兩

豈止奸苗而已內地無賴之徒逃亡入內勾引苗獠報復劫掠種種情形朕所悉知者深林不見天日該地方文武慮以啓釁招尤每每

遠巡臣以爲治苗之法固不可以多事然亦不可

以畏事夫畏事之弊與多事之弊同知此則何事不得其中也臣現在選擇

應處者自不可姑容熟悉苗徑之人探其曲折俟探明後當與督提二

臣細商只須處死數人則苗患必漸漸可弭合先

奏明伏乞

聖主睿鑒謹

奏

覽奏甚屬可嘉如此方為不忝封疆大吏之任也爾等誠能實心任事朕自然知悉但天下事大抵言之易而行之難果如此奏言行相符朕得人之喜何可名言勉為之

同日又

奏為奏明礦廠事竊查黔省如阿都膩書猴子等銀

廠已經題報外尚有釘頭山齊家灣等處鉛廠昔

日俱屬私開即臣前摺奏

聞之濫木橋水銀廠從前亦無分文歸公之處今臣逐

一清查現檄藩司議定抽收之數俟詳議到日即

會同督臣高其倬題報歸公總不許地方各官染

指分文至於已未題報之廠非悉心調劑難免侵

奏漁臣已頒發調劑事宜并令藩司選委賢員前往

皇上管理伏乞

硃批諭旨

七

毛文銓

皇上睿鑒謹

奏

司事之員若令分文不染指亦是難事何則但知守分而無才術者不能糾察奸宄致令聚眾生事或懈怠因循尤滋弊竇即使遵守爾法而不踴躍從事盡心釐剔亦無益也朕意仍宜為之少留餘地俾司事之員微有沾潤庶幾賈勇向前此等事究宜委任有才情作用之人始有成效設有才守兼優者固不待言矣第恐難得其人若徒取操守而才力不及者於此處殊為鑿枘不相入也

同日又

奏為謹陳末議仰祈

聖鑒事竊惟貴州地處邊末各官實非他省可比更有山僻州縣四面環夷錢糧不過百十餘兩即縣署州衙亦惟草屋數間似覺更苦故凡任此等地方凡類此等者終非為國為民之良吏不過榮利是趨之州縣率多棄父母捐妻子而來顧此荒涼類生流亦無是措怠惰貽誤地方夫人臣既蒙

恩命牧宰一方原不容因地方之饒瘠而遂分勤惰於其間今或有此等之員者總由勸懲之法不立故耳應否容臣會同督臣審擇山僻窮荒尤甚之州

如遇優等者題薦數員不法者糾參幾人勸懲在其中
縣各數缺具本題請定例嗣後三年之內果能刑

矣
清政簡盜息民安興利除弊督撫保題卽以應陞
此說不可朕另有旨
之缺陞用倘仍怠惰貽誤地方嚴參倍處黔省如

貴陽鎮遠等府及定番廣順鎮寧普安麻哈獨山
黔西大定等州畢節永寧等縣悉在崇山峻嶺之
間狎苗出沒之所現在之員內亦有宜於此而不
宜於彼者至若新任之員苗情未諳更難料理倘

聖訓權量其才斟酌調換一轉移間似與地方有益應
此說是斟酌允當然後具奏
否亦容臣會同督臣題請定例總乞

皇上天恩指示欽遵謹

奏

貴州政務不甚繁劇且有邊俸推陞之例亦可謂仕路
不留滯矣若因其窮苦而特開新例恐他省咸欲效尤
殊爲未便設如此行則所謂邊缺海缺河缺缺之苦者
豈止貴州一省而已况朕原開有不次擢用之途以待
賢員循吏也至於本省調補任爾量才題請如果有戢
盜安民刑清政簡之能員何待三年五載亦不須大計
甄別之歲儘可隨時舉薦以示鼓勵安用拘定成規以
啓鑽營以滋口實耶凡會舉題補等語空此式另舉

雍正二年七月初六日貴州巡撫臣毛文銓謹

奏爲奏

聞事竊惟方面有司凡倉庫錢糧難容虧空地方民事不宜怠弛臣於此二者時刻留心靡敢或懈至於倉庫一項臣現在徹底清查尤不敢絲毫容其欺僞緣地方遼濶不能纖悉周知大約虧空銀兩者尚少而虧空米穀者不乏其人臣之愚見欲俟一切查明之日如其果係侵蝕不論多寡卽行究叅倘係霉爛或係歷任流傳未補勒令一併作速全完免其卽挂彈章其於倉庫實有裨益理合奏明謹

奏

總在汝一秉至公相機度宜而整理之但須還朕一是字朕未令膠固拘泥而不通融以行政也

奏爲奏

聞設立社倉等事臣蒙

皇上勅諭設立社倉以及勸農種植孳養等事仰見聖天子保惠元元重農務本至意臣切諭各屬不許以官勢臨之聽其感化自爲積以歲月則社倉之法無不行而耕耘種植孳養之道無不備矣謹

硃批諭旨

十

毛文銓

奏無不...
凡利民善政須圖悠久循序漸進力行不倦而又加以
廣耳目明勸懲將公事一如家事用心未有不克辦集
之事也勉之

雍正二年七月初八日貴州巡撫臣毛文銓謹

奏爲仰頌

聖恩事竊查安順府屬之普定縣知縣何經文才守實
爲黔省州縣中第一督臣高其倬提臣趙坤無不
深器其爲人今經文之父何鼎身故遺命將經文
出繼伊弟何巽爲後經文聞報泣懇奔喪伏思人

才難得且臣現在整理廠務業經咨會督臣將次
具本

題奏已委經文董理其事查經文實係竭已奉公之
員伏乞

聖主俯允在任守制俾臣得收臂指之使仰沐
天恩非淺矣臣不敢冒昧

題請謹具摺奏

聞伏乞

睿鑒謹

奏

不但留伊在任朕另有旨

同日又

奏為奏

聞雨水情形事竊貴州自五月十五日以後至六月十四日以前雨澤微少自十四日以後大雨時行高下皆遍各處田禾十分暢茂可望有年俟至八月間查明分數另行奏報外合先奏

聞上慰

聖懷謹

奏

深慰朕懷全賴爾等封疆大吏實心敷政協贊皇猷以感召

天和也此理有如立竿見影若稍存信不及之心則失之毫釐謬以千里勉之慎之

雍正二年八月二十八日貴州巡撫臣毛文銓謹

奏為遵

旨回奏事竊臣具奏前任撫臣金世揚私動庫銀收買水銀一事欽奉

硃批又八月十二日新任貴東糧道臣李日更至黔欽

硃批諭旨

上諭各到臣除奉

發密議臣查照欽遵外竊惟我

皇上聖明天縱雖在萬里之外猶如

廷陛之間莫不昭晰無遺貴州吏治之壞起於劉蔭
樞查劉蔭樞本非貪殘之輩但其性膠固偏執凡
地方一有苗賊刦擄焚燒具報巡撫衙門蔭樞輒
怒形於色屬官逆探其指惟以諱匿逢迎而各處
苗賊窺見隱微遂日無法紀矣武備之弛實起於
張文煥查張文煥秉性貪殘而又絕不整理營伍
標下員弁賢不肖無分才不才靡別是以將士灰

聖明心兵丁解體致使蒐苗更無忌憚文煥之後繼以

所奏公當張致悉步前軌故地方益不可問矣提臣趙坤到

任以來實心任事又復清勤加意整飭地方但緣

廢弛已久一時不能奏效所以不及總兵任內之

聲名

惟不務隱飾為要天下所貴只一誠字聖明在上臣斷不敢一字瞻徇以蹈欺罔之罪也臣自

奉

硃批後即知會提臣來省詣臣署跪讀

諭旨遂與臣密商整飭地方諸務嗣後臣敢不仰遵

聖誨文武和衷互相勸勉實心供職以冀圖報

硃批諭旨

皇上拔擢殊恩竊查定廣一帶苗性兇頑固與尋常不同臣未到之先督提二臣業已咨商擬撤回該協營分防安平龍里千把二員兵一百四十名增添於定廣兩處臣到任後復准督臣知會熟商現在備查險要之所會同提臣確議將來若猶不足以資彈壓另行具摺請

旨遵行至於有司貪婪臣必當嚴行禁止以身先之除不使凍餒之外斷不容其朘削民膏以肥子孫事無大小臣惟有一一凜遵

聖訓悉心料理屏絕私情

君父之外不知有他獨是臣識淺才庸未克仰副勉力為之聖懷為憂懼耳抑臣更有請者貴州漢少夷多而又有一種不法奸民每每從中播弄以殺擄為常臣愚以為治此等兇徒必當威先恩後然當此歷任頽靡之際如只杖斃數人猶不足以寒其心而落其秦膽仰請

聖諭許臣便宜從事凡獲苗狎極惡之渠魁漢奸窮兇首首惡立刻請出

王命綁赴市曹卽行處斬仍傳首諸夷示衆伊等見迅速不測如此莫知端倪則地方庶幾可望少安然

臣非策之萬全亦不敢輕舉妄動也理合一併奏
旨可否之間伏候
睿裁謹

奏

滿保孔毓珣曾類此舉行過數事偶一爲之以懲戒克
頑未爲不可但不可過多耳設或地方上擒獲得極惡
渠魁審究明白一面正法卽一面將其情罪并正法緣
由具奏以聞

雍正二年十月二十四日雲貴總督臣高其倬貴

州提督臣趙坤貴州巡撫臣毛文銓謹
奏爲奏

聞擒獲定廣寬苗事竊查黔省諸苗惟狎家苗一種甚
爲不法而爲該地方之渠魁者名阿近性極克頑
恃其胞弟阿臥膂力過人復恃其所居之地名散
幹者山深箐密峭石參天極其險峻欲至其穴者
須由地名線塘西孟一帶而進兩邊怪石嵯峨草
樹茂密惟中間一線之路二人不能並行實爲天
塹恩險一遇擒捕者賊黨隨潛伏兩邊放弩抗拒兵役
輒被殺傷又復迫脇各寨諸苗荼毒往來商旅毫

無忌憚臣等叨荷
聖恩膺此封疆重任首在整飭地方今近賊如此兇頑
不法若不及早規畫良圖發兵擒剪倘姑息養奸
卽爲地方之大害然非調發官兵懾其兇威終難
擒獲故臣坤卽咨會臣其倬臣文銓遂調大定平
遠等鎮協及提標前後營遊擊卜萬年等守備吳
從周等并千把各員共官三十一員兵二千四百
名前往於九月二十日從定番起行經由各寨初
雖不免驚惶臣等各揭示曉諭罪止渠魁餘所不
問槩免株連各寨見示莫不歡呼遵化願爲前導

於是官兵直至賊穴咽喉地名底塘分布環劄而
近賊輒將通巢要口盡用木石壘塞臣等屢示機
宜官兵用命各攀援而入阿近等遂卽分逃大箐
於十月初七日拏獲阿近胞弟阿臥并妻若子及
黨賊阿柴阿保阿五阿戎阿雄各官兵復向各大
箐窮搜於本月十四日四更仰仗

皇上蒼前
皇上考在天威拏獲渠魁阿近而官兵並未損傷一人臣等
隨出示安撫撤兵所有散幹各處險峻之所督率

弁員力行平治其餘要害之處亦皆設立汛防至
於官兵口糧臣等暫令將定廣兩州存倉米石動

地方上此等大事豈有捐補之理應題請開銷

支捐補不敢開銷正項其擒獲各賊臣毛文銓分

別正法容正法後另摺具

奏所有擒獲渠魁及黨賊緣由合先奏

聞查此等事原不應擅騎驛馬但因平殄惡苗事關重

大罔敢稽延之故伏乞

皇上睿鑒謹

奏

如此可喜之事乘驛來奏猶嫌其遲也卿等此番勘定惡苗之勞績甚屬可嘉朕不勝欣悅已另有旨諭部矣

雍正二年十一月十七日貴州巡撫臣毛文銓謹

奏為奏請

聖恩事竊查貴州苗害大則定廣次則安順再次則都

勻黎平等府臣叨荷

聖恩膺此重任敢不竭盡駑駘力圖報効今都勻已獲

久經漏網積年難得之克苗羅三龍查羅三龍雖

非阿近阿臥可比然亦係該地方之元兇首惡此

賊一除地方亦可少安容臣飭拏夥盜具題正法

外至於黎平臣已諄諄嚴飭各該土司改弦易轍

禁戢部苗現在相機整理獨安順府屬鎮寧州所

轄之康佐司土官薛世幹者其罪實浮於各處土

司伊住居之處名曰白老虎寨其險峻與定廣阿
近阿臥所居之散幹無殊世幹每每指揮部曲偵
探殷實民苗及往來商旅恣行刦殺及至嚴檄提
拏而世幹竟恃險深藏藐抗不出已非一日矣臣
與督提二臣再三計議若不嚴行究處不但各處
奸苗益無忌憚卽通省土官亦皆效世幹之所爲
望恩矣若再大興師旅或恐官兵一至其地互有殺傷
莫若先行化誨故臣卽會同督提二臣遣修文縣
望恩知縣朱齊年至其寨中諭以禍福令其作速來歸
奉待以不死倘猶敢恃險抗不到官則必立即剿除

世幹聞諭卽同朱齊年來省臣遂繫之於獄除另
請行具本請

旨歸流革去康佐司土官名目并於平遠協抽撥千總
備百一員兵丁一百名卽駐白老虎寨防守外至於世
天恩幹竊犯固無惡不爲者也但其聞諭卽至省城不
奏費恭矢而除此一患者實因臣許待以不死故也

今若不踐前言恐將來不能取信夷人伏望
聖慈免其一死將伊終身監禁在獄盡其天年則信行

日然照爾所請以昭明信

而法立矣理合奏

聞謹

硃批諭旨

聞奏

知道了四月九月間官兵被辱貽笑苗夷之事為何隱而未奏其一

雍正二年十二月十八日貴州巡撫臣毛文銓謹

奏為恭謝

天恩事竊新任大定鎮臣丁士傑至貴州省城奉傳不

諭旨有人奏稱毛文銓居官甚巧操守平常又有人奏

伊操守尚好才情平常朕所期望則不如是望伊才

情操守俱好但不知伊果趨向那一邊欽此竊臣自

奉傳聞歸時未齊平來省

何必惶悚若不能副朕所望惶悚亦無益但日前苗夷

恩綸不勝惶悚之至伏念臣庸愚之質生逢

聖世服官二十六年虛糜廩祿毫無報稱

皇上御極以來選俊登庸人材輩出庸碌如臣者一長

無取三黜何辭況復有以居官甚巧操守平常論

奏於

黼座之前者乃蒙我

皇上曲賜矜全更加

恩超擢任用臣顧維知遇竊幸遭逢感

當加意懋勉以保全朕特用之恩

恩之涕不覺自零臣雖至愚敢不凜遵

天語欽佩終身以仰副

殊批諭旨

毛文銓

聖主器使

殊恩於萬一理合具摺恭懇

恩謝伏乞

睿鑒謹

奏

勉之勉之第一不可趨奉權要以私害公於爾無益而反有損也宜切以為戒

雍正三年正月二十六日貴州巡撫臣毛文銓謹

奏為奏

聞府備勒捕克苗事竊查貴州一省惟苗夷為地方深

患雍正二年十二月內據安順府報稱有狎苗焚

劫唐三寨生員胡種玉等家臣即飛檄行查知為

廣順州所屬地名者貢長寨克苗查廣順州所屬

者貢長寨昔有極惡狎賊之首名阿棍者與定番

州已正法之阿近相為雄長者也臣到任後正欲

擒滅而阿棍適因同類相殘誤中飛矢身死今焚

劫唐三寨既屬者貢長寨克苗必為阿棍黨賊無

疑臣於本年正月初二日委安順府知府何經文

齎持令箭移會營員商同廣順州知州盧兆鶚責

令該處頭人確查拏獻嗣據何經文報稱會同提

如

殊批諭旨

二十

毛文銓

標前營守備鄔元度帶兵二百名親至廣順州商
同該州盧兆鶚相機行事矣昨又據何經文等報
稱有者貢長寨二處頭人見府備親往情願自行
查明拏獻俟拏獻到日審題外理合先行奏

聞謹

奏

凡事貴協於中不宜偏執遇有事時惟圖安靜則誤於
因循無事時銳意振作則失之孟浪若貪功而妄逞兵
威斷然不可苗獠雖愚亦人類也豈無良心既示之以
威卽宜繼之以德總要武弁整飭營伍有司清白吏治

數年後再無不感化之理也勉力爲之

生熟同日又

皇奏爲奏

聞事竊查雍正五年十二月十二日鎮遠府失火共延
天恩燒民房一百零五戶並未傷人又十七日大定州
奏失火共延燒官民房五百九十七戶被燒身死者
五名臣仰體

皇仁已分別賑恤不致失所理合奏明謹

奏

此或盜賊奸宄之所爲皆不可知雖然亦天災也當查

硃批諭旨

主

毛文銓

明府州縣所有之
火神廟宇諭令修舉典禮并飭備救焚器具庶爲思患
預防之道

同日又

奏爲恭謝

天恩事竊臣遣承差王三聘等奏請又
聖恩乞將康佐司土官薛世幹終身監禁摺內奉
皇上硃批四月九月間官兵被辱遺笑苗夷之事爲何
隱而未奏欽此臣跪讀之下悚惕靡寧臣蒙

皇上高天厚地之恩擢陞貴州巡撫雖粉身碎骨猶不

足以報稱萬一寧敢

生成查定廣惡苗阿近阿卧等爲害已非一日

雲南時知雍正元年

遣兵擒捕疊被阿近阿卧等殺傷

近等斷不可一日姑容正在屢次遣人偵其虛實

之時而副將陳元勳遽於雍正二年八月間並不

先稟督提臣亦無片紙具報

百名假以遊巡爲詞潛至西孟等處僅令千把數

員共帶兵百餘名前進伊竟駐劄在外致被

阿近等放弩拒敵箭傷兵

捉去一名旋亦放出臣探知此信卽星飛知會督
提其臣發兵擒拏官兵於九月間分三路而行有
黔西協之左營遊擊郭世發平遠協之右營遊擊
楊振統領官兵夜宿谷令苗寨鈴束不嚴致使兵
丁失火延燒谷令之苗忽自驚疑認爲官兵併欲
勦滅伊等遂各上山放弩而官兵恐爲近賊之黨
亦各放鎗至曉仍卽掣至定番諸將當亦傳諭頭
人釋其疑畏臣據報復揭示諸苗旋各翕然遵化
主奴故官兵得移步爲營前抵賊巢擒獲阿近等匪
愚昧無知竟不備細奏明臣之昏庸實無辭自解乃

人奏蒙

聖主寬其罪責此誠聖明合決

天地并包之大德父母曲恕之深仁臣感激之軍涕泗
相淋爲零自問此後愈不知所以仰報矣理合具摺恭
謝一一奏刺代至欽此回個五去絲由趁奉
天恩伏乞深慈竊食歡忘令節更不煩錄實之益茲
睿鑒謹專摺不致一計實鑒即自奉

奏則姪去平具奏餘蘇安黃爽苗回改等辭內茲前
既過矣惟改耳甫後慎毋再蹈故轍誠哀竊天奪其興
奏同日又凡有言及論政者莫不

硃批諭旨

三

毛文鈞

奏爲奏乞

斯言殊覺失體

天恩事竊臣昏庸無似自趨於迷命福衰窮天奪其魄
以致去年具奏擒獲定廣兗苗阿近等摺內從前
容鑿之事誤不逐一指實聲明自奉

硃批神魂飛越寢食遺忘今後更不敢避煩瀆之咎務

當一一奏陳外至於阿近阿卧正法緣由欽奉

硃批令臣具題但查題本似與密摺不同所有雍正元

天卅年三月以後官兵被辱之事臣愚昧無知題本之
望主內仍未敢指實聲明合先

奏乞

天恩仰祈

睿鑒謹

聖奏

論理本內亦當聲明何也使天下後世知我師出之有
名不亦善乎總之天下無可隱諱之事當深以此爲戒

雍正三年十月初六日福建巡撫臣毛文銓謹

聞奏爲奏鑿如向來制辦督專主蓋因前辦黃園林
聞事竊惟蒙宜兆熙一謝實奏

皇上天恩補授福建巡撫自九月十四日入境以及到
省以來凡有言及鹽政者莫不云官民交困且言

額外雖曾加課終屬虛名實於云官只交困且言
皇國課毫無裨益臣現在備細查核俟查明之日會同
閩軍署督漕宜兆熊一一據實奏

聞至福建鹽政向來係總督專主蓋因前撫臣黃國材
惟督臣之言是聽相沿未改故也臣受文錢贖
恩深重不敢避嫌推諉合先奏
聞謹本內衣當督漕臣外天不為也非禍世之徒

奏

朕早知之已有旨矣爾其竭力為之
天恩同日又

奏為奏
聞各屬被水情形仰祈

聖鑒事竊臣自入閩疆接閱泉州府所屬晉江同安二
縣漳州府所屬龍溪漳浦南靖平和詔安等五縣
各報稱八月十四五等日大雨傾盆水勢驟漲內
漳浦縣倒塌民房九十餘間平和縣城垣坍塌數
丈又該縣之礎溪壩一處已被湮沒淹死男婦二
十名口十六日水即漸退幸各處田禾俱未傷損
等因臣一面飛檄藩司分別賑恤一面委員各處
查勘臣又查得七月十七日大雨連宵有福寧州

所屬之福安縣被水甚大人民廬舍漂沒最多卽
田地亦被衝壞四五百畝前任督撫臣滿保等發
銀二百兩賑恤在案理合一併據實奏

聞伏乞

皇上睿鑒謹

奏

今歲直省在在皆有被水處必毋致一夫不獲其所乃
朕意也撫恤之道不宜少怠

同日又

奏爲謹陳廈門流匪情形并前後獲犯事竊廈門地

方於八月二十五日黃昏時候有流匪數十餘人
各執腰刀竹錚欲進城劫庫當卽現獲首犯郭興
吳壘等一十餘名臣一聞此信卽飛檄移行嚴加
擒捕並立差親信之人星夜往廈門確查去後因
該地念四崎地方向有營中空房一所歷係郭興
吳壘二人看守不意此二賊暗蓄不良遂密引漳
州同安二處無藉之徒數十餘人到廈門假稱與
土地神慶壽演唱偶戲暗製器械原訂於二十六
日放火搶劫至二十五日夜賊徒內有一人飲醉
露形衆賊恐其事敗不及待至明日遂二擁而出

至走馬路卽捨刀鋪各執兇器分而爲三一攻城
外中營守備魏國泰衙門該備率家丁向前對敵
賊遂退出一攻城內中營叅將李若驥衙門該將
亦率領家丁迎殺賊卽由東門逃出適遇該標將
備領兵前來追至海邊卽先後拏獲郭興吳壘劉
奪劉衆劉賞林使吳靖鄭敢林培陳五王細吳語
等一十二人而官兵內亦被賊殺傷身死施勇陳
辰陳紹祖等三名今復據各該文武又先後拏獲
施求周好并賊屬蔡氏吳氏等共五十七名今厦
門地方安堵百姓貿易如常臣現在會同署督臣

壘檄緝拏餘黨解省會審明確請
旨定奪至於郭興等一夥臣聞多有營兵在內臣現在
密訪一得其情卽行密

奏恐厯其

聖懷合先奏
聞謹

奏

此事於各處奏報朕已知悉當嚴緝務獲勿使一名漏
網斷不可稍有疎縱

同日又

奏爲奏又

聞事竊查福建一省處於山海之間兵民刁悍而生監抗糧尤爲惡習總因從前姑息成風以至於此此等頹靡之風必須漸次挽除臣亦斷不敢顧忌人言而仍蹈當時之轍也通省倉穀前任督撫二臣歷年奏報撥運浙江漳泉之米至今未經買補者甚多其撥運之米多有贏餘每次或餘二萬或餘一萬餘總之撥運多者餘銀卽多撥運少者餘銀卽少此所餘之項前任督臣滿保竟有取用者臣愚以爲此等銀兩雖屬額外贏餘之項亦可存作

正項開銷之用豈容私行取用海關稅務前任撫臣黃國材題奏贏餘之外尚有糖稅銀兩國材仍循舊轍自行收用不入贏餘查糖稅者係江浙客民赴臺灣買糖裝往各該地方銷賣過關輸稅之項嗣後臣卽同贏餘一併搭解

內府分釐不敢染指若遇紅毛等船到閩輸稅更多既有此奏當秉公辦理據實奏聞不必稍爲瞻顧日後倘有來者雖絲毫臣亦據實

奏明臺灣一府孤懸海外該地又復五方雜處兵民更多不法而加以生熟各番天性兇頑務須在臺文武同心合力日夜隄防方免後患今聞巡臺御

此語朕所未聞可訪問的確即行奏知
史及鎮府各官俱不相合殊非地方之福臣既有
所聞不敢不

奏至於該地原為反側不常之所凡屬蟻聚為匪事
發類有富戶人等為之謀主臣前者在京面奉

恩旨該地富戶必當設法移歸內地仰見

皇上至聖至明無微不燭但查無事遷移人情不無震

駭此事所關甚大不敢透露風聲所以即該地方

甚是此舉必待高其俸到任後詳悉斟酌而為之慎毋
文武亦不便輕忽論知臣惟密為經畫今欲飭行

輕露

臺灣道府等員無論強竊克毆放火等項大小案
件一經發覺即行通報批審如內有富戶人等為

之謀主者除治罪外即借此押移內地不許容留
在臺多事并嗣後聚眾劫殺案內有富戶為之謀
主者除治罪外即抄沒其家如此漸漸行之則人

不駭而事獲濟是否有當仰請

總待高其俸到閩共相商妥然後施行
皇上指示遵行至臣面奉

皇上密諭數事臣現在欽遵密訪俟毫髮無疑即口授

奏臣子毛宗儀繕摺具

奏合先奏平十日二十五日疏數次附呈于文鈔

聞謹

奏

殊批諭旨

所奏皆中肯綮殊爲可嘉何煩朕再諭但期言行相符實力舉措以奏成效耳

奏雍正三年十月二十五日福建巡撫臣毛文銓謹奏爲再行具摺奏

聞事竊臣前

奏海關糖稅前撫臣黃國材自行收用一事臣再四細查乃係各省商民往臺灣販買黑白糖觔仍回各省貨賣由廈門掛號按船收取名曰驗規故每船一隻納銀一十六兩二錢非照糖觔上稅因前摺尚未分晰故再具摺奏

聞臣訪得此項銀兩有云商客情願即在臺灣完納如果就臺灣完納則船隻尚多不止五六七百即每隻十六兩二錢之外猶可量增資助臺餉有云前項船隻亦有不甚情願者其說不一故臣未敢冒昧現在飭行細查容俟毫髮無疑即便舉行伏乞

皇上睿鑒謹

奏買門... 宜查訪的確詳審斟酌而行

同日又... 奏爲奏明養廉事竊臣巡撫衙門向有布政司羨餘

銀五千兩馬械銀一千九百餘兩稅羨銀一千兩
及臣標親丁銀九百九十餘兩今自海關歸於巡
撫又增火耗一項查海關收稅歷分三等大商船
廈門等處加二泉州等處加一小商船及漁船無
耗每歲約有二萬兩上下臣聞黃國材卽以此項
耗羨及布政司衙門羨餘等項作一切公用銷除
臣查巡撫衙門雖有公用然亦未必竟須如許且
國材尚有糖船驗規又收各屬節禮臣蒙
聖恩雖一字亦不敢欺瞞今臣到任方新海關稅羨實
有若干容俟一年之後共計收得若干一應公私

用度約得若干另摺奏請
聖裁至於關上書辦巡役人等各有飯錢並亦准其照
舊收取恐一經裁減反致別生巧攫之門合并奏

聞伏乞
皇上睿鑒謹
奏
所奏甚是知道
其橄欖木且緩起解
同日又
聖奏爲仰請
同日又

聖恩事竊查福建一省處於山海之間民情刁悍不但性好抗糧習嫻爭訟抑且動輒操戈羣相鬪殺而沿海各縣更多偷越外洋恣行劫掠苦害商民若非清廉強幹之員塞其作奸之路扼其走險之途則錢糧抗欠訟獄繁興以及外洋盜案勢必日甚皇上日深查通省九府一州一十六同知通判六十一府縣現在出差事故府廳縣共缺官一十五員其餘雜職亦共缺官二十五員其間雖選補有人而迄聖恩今終未到任者總因數千里程途不能一時得至故也況臣細訪各屬不稱職者頗有其人勢須參

劾以肅官方將來卽有接踵到任之員亦必有接踵去任之員是缺者終缺咸在隣封選委伏查閩省各府州縣多屬沿海未免顧此失彼仰乞聖恩皇上天恩於各省到部應選應補同知通判知縣內共揀選十員速發來閩庶得隨時委用於地方實有裨益理合具摺奏請仰祈聖鑒謹奏

吏部速議具奏

硃批諭旨

奏爲奏

聞事竊臣莅任後節據漳浦營縣各報稱本年九月二
奏十日酉刻漳浦縣城內有奸徒一名黃尾者門首
忽插榕樹青枝爲記適漳浦營功加官蔡隆及馬
兵黃進二人巡查地方見之因形跡可疑遂將黃
皇上尾拏獲解赴該營中軍守備成偉轉報該遊擊李
彪該遊擊一面帶兵巡邏一面卽委守備成偉知
照文員會審訊據黃尾供稱有一涂廷向伊云今
晚有匪類進城搶奪富戶你家門首插了榕樹青

枝就可免搶奪等語并供夥犯游躍徐愷寧涂法
涂蒲程實昂仔并涂廷等遂差兵丁前後拏獲復
據徐愷寧供出林昂爲首又徐貌一名又有名陳
鎮者家中現藏旗一面鼓鑼各二面單刀兩把又
據兵役拏到陳鎮搜出單刀烏鎗木棍腰刀復據
供出夥犯林穆等十名會集於周招家中又據兵
役拏獲林昂等犯訊據供稱伊係做醫生度活因
林棍家中有廈門逃來流匪吳通陳罔二名請醫
治刀傷卽商量入夥實係林棍爲首林棍是個監
生旗布器械都在他家衆人在周招家等語卽據

兵役拏獲林棍及徐貌現解漳浦縣收審各等因到臣查林棍等聚眾製械欲進漳浦縣城搶劫富戶實因廈門匪類郭興等一案所以聞風而起若不從重究處何以懾怖奸人之膽幸所獲已多奸徒四散逃亡人心大定臣現同署督臣星飭確審審明後臣愚以爲此案奸徒雖聚眾商謀搶劫然實未上盜似與廈門郭興等公然殺害官兵者不同臣欲商同督提二臣將內爲首及藏械藏人者卽在該地杖斃抄沒其家外其餘夥犯嚴行枷責仍按輕重分別永行禁錮看守是否可行伏乞

皇上天恩指示謹

奏

此案斷不可寬縱俾匪類漏脫貽害良民不特有違國法亦係大損陰德事也此等縱虎歸山之假仁慈胸中萬萬存不得但以嚴而不枉爲要特諭

雍正三年十一月十九日福建巡撫臣毛文銓謹

奏爲遵

旨密奏事竊臣蒙委學使尚陳題正六百兩又請旨

皇上面諭確查福州將軍宜兆熊居官之處臣到任後將伊從前及現在所行之事細細留心訪察宜兆

熊居官和平行事醇正操守亦甚廉潔每年所得
隨丁餉銀除捐造盤鎗火藥櫟木旗纛并買稻穀
及供給清書義學外尚剩銀五六百兩又訪得宜
兆熊若有用度不敷之處前任督臣滿保撫臣黃
國材各有些微幫助臣訪查確實理合據實密
奏伏乞

皇上睿鑒謹

奏

因伊美逾尋常朕竟至於難信所以諭汝訪察今覽汝
奏果不謬矣可喜可喜

同日又

奏為遵

旨覆奏事竊臣蒙

皇上面發福建邵武府光澤縣卓異知縣吳堂又福州
府照磨陞授陝西布政使照磨王家埏奏摺二件
命臣查明具奏欽此臣查據吳堂奏稱光澤山稠地褊
竟有無田而頂虛糧者緣民間賣田豪家乘急抑
勒縮少糧數方肯售買延至田又轉售糧則仍留
原戶臣設法免徵節省墊解仍勸民間山脚水濱
稍可開砌成田之處勻補虛糧等語查開墾之田

殊批諭旨

三

毛文銓

例應造報題達陞科豈容別抵虛糧況凡買地抑
勒賣主少過錢糧者皆豪惡所爲今若將開墾之
田代其勻補則嗣後豪惡益無忌憚今惟應通行
各屬確查所轄凡有虛糧各令受業之人照數收
回輸納所有開砌成田勻補虛糧之處不便准行
又據奏稱大戶包攬衆小戶錢糧藐不完官恃衿
成黨縣官容之則虧課治之則招怨等語查閩省
惡衿包攬甚多臣現在嚴行釐剔州縣各官專司
錢穀若以招怨爲憂何事不成姑息嗣後如有實
心爲公不畏強禦者臣卽行

好 奏薦庸懦無能者臣卽當叅處則地方頽敗之風庶
幾得以少變焉又據王家埏奏稱閩省山多田少
田不多墾米不足用仰請

皇上勅諭殷實之家預發穀種牛具搭蓋草房招徠窮
民在於山海邊隅之地盡力開墾成熟照例陞科
各分籽粒等語查開墾荒山荒地例應地方官設
法借給牛種如今有力之家預發則有力者悉屬
豪強一經預發日後成田無窮抑勒佃戶勢不能
堪況搭蓋草房閩省尤爲首禁蓋慮山海之區不
法之徒棲息爲非故也亦不便准行理合查明具

奏伏乞

睿鑒謹

奏

凡有條奏朕皆發與爾等封疆大吏斟酌其可否自當如此據實奏覆豈可將就阿順以貽誤地方耶

同日又

奏爲奏

聞臺灣情形仰祈

睿鑒事竊查臺灣府遠處重洋之外凡居彼地之人爲習俗所移最易生事又有生番之患查生番殺害

人民歷年不一而足卽本年亦三四見矣然推原殺害人民之故悉由被殺之人自取夫生番一種向不出外皆潛處於伊界之中耕耘度活內地人民或因開墾而佔其空地閒山或因砍木而攘其藤梢竹木生番見之未有不卽行殺害釀成大案皇上者爲今之計惟有清其域限嚴禁諸色人等總不許輒入生番界內方得無事臣已檄行道府移會營員務令逐一查明在逼近生番交界之間各立大碑杜其擅入但地方遼濶走險之徒必有百計圖維而偷入其中者恐亦未能盡絕至於招撫生

番一事地方各官亦有被不肖熟番所欺有以熟
作生者在內然此係風聞之事虛實尚未分明但
既得此言不敢不據實陳
皇上睿鑒謹
奏伏乞
此論甚當從前嚴禁時頗屬平靜後因藍廷珍圖小利
起見遂遺此害也

同日又
奏為再摺奏

聞仰祈
睿鑒事竊查廈門流匪郭興等漳浦縣流匪黃尾等二
案俱經臣前後具摺奏

聞除黃尾等恭候

御批到日臣等審明後即欽遵發落至於郭興等一案
奏准初到時訪聞有營兵在內今查案內之犯吳壘
一名係水師提標左營兵丁續獲陳地并未獲官
勇等二名係臺灣水師營兵丁其餘有無現在細
查另容密

奏伏乞

殊批諭旨

皇上睿鑒謹

奏查長容密

此等事件只宜從嚴慎毋絲毫欺隱為要外無別諭也

同日又

奏為奏

聞事竊聞省藩庫錢糧據布政使臣秦國龍造冊請盤
聞到前來經臣逐一細盤並無虧空查秦國龍才雖中
平而監守庫藏尚屬謹慎至於兌收各屬錢糧每
百兩原有加平三四五錢不等放餉時在外各標
鎮協營並無加平短少數十平中間有一二平短

少錢餘然非國龍有意為之也其在省將軍督撫
各標每百兩歷來各加三錢國龍均照舊例而行
今兌收各屬錢糧臣只令每百兩加平一錢放餉
時除將軍督撫諸臣各標仍令每百兩各加三錢
外其餘各鎮標協營務彈兌畫一理合一併奏
聞謹

奏

秦國龍老成人也朕可以保其操守

皇土同日又

奏為奏

殊批諭旨

聞事竊臣接准部咨欽奉

皇上特旨將福建鹽政

命臣管理竊臣自莅任以來卽聞人言藉藉咸云福建鹽政敗壞不堪并稱雖曾加課終屬虛名經臣具摺奏

聞臣今再四訪查始得其詳蓋緣閩省田地甚少窮民倚鹽爲生者不可勝數如延建邵等府一切委官運賣凡有餘瀝悉爲弁員人役所有失業之人無所仰賴此造言生事之所由來也至於所稱雖曾加課終屬虛名之處又因前督臣滿保將雍正元

年九月奉文起至十二月底止并雍正三年正月
起至六月底止徵收一應課銀槩增入雍正二年
之內報作贏餘夫元年并二年徵收之一應課銀
總屬

朝廷國課盈此卽絀彼此終屬虛名之言所由來也

奏臣思措置之方必於

聖國計民生兩有裨益方能經久查興泉道陶範於鹽
政甚爲練達人亦老成臣現與再三斟酌務求公
私均利分別

奏請施行臣恐新任運司景考祥未能一時卽有條

表理欲暫留陶範在省協辦半年或十個月再令回
任理合一并

奏明仰祈

聖鑒謹

奏

甚好滿保鹽務內之弊端雖毫末亦不可代為隱飾必
盡情剖露方是

再者景考祥非朕信用人也觀其言行似非誠實倘有
不妥處據實奏聞

同日又

奏為遵

旨密奏事竊

皇上面諭確查前任督臣滿保前任撫臣黃國材居官

之處臣到任後即細細留心訪察查滿保自雍正

元年以前地方事務不甚整理各官中有逢迎合

意者雖有遺誤亦不切究至於操守聞做巡撫時

到京甚好一陞總督後即變節不堪不但保題委署及

年節間屬員餽遺概行接受即伊母親生日亦勒

令各屬送禮自五元二平之事本平又敢不

皇上即位以來屢加申飭地方事務比從前留心即操

皇上守亦稍謹飭但於節禮一項雖不明收仍令屬員
私下併送此雍正元二年之事也到本年又復不
堪各項都收卽奉召旨對受明旨時時主日亦憐
陛見詩事尚未定日起身就要各屬先送盤纏民間詞
訟滿保原不染指聽斷尚屬公平本年二三月後
卽多顛倒臣訪係伊子博諾不肖瞞著滿保暗得
賄賂所致至於黃國材地方事務頗知留心但要
皇上買名欲得紳士歡心是其受病之處若操守竟與
自滿保做總督時無異不惟各項都收卽伊家眷起
奏身及廣西捐穀等事寫書與各屬求其幫助盤纏

惟詞訟不取臣訪察甚確理合據實密
奏臣一身孤立滿保黃國材各有骨肉之親在
聖朝若知臣如此據實奏
聞必然怨恨終身伏祈

聖主天恩曲賜保全謹

奏

可笑之極滿保黃國材二人豈待爾奏朕始知悉切毋
存此鄙小之見怕人不如畏天假如將無作有捏辭陷
人亦不必怕人更當畏天秉公直陳於君父之前爲國
家除貪懲慝乃大陰功德行事也此等公直立心行已

之人若竟遭於小人怨恨之手則所謂
天地神明因果報應之理皆無矣胷中倘仍存此見斷不
能心逸日休久遠不渝莫忘朕面諭之旨不可差了陛
見時對朕念頭勉之勉之

奏雍正四年正月初四日福建巡撫臣毛文銓謹

聖奏為據實奏

聞仰祈

聖鑒事竊查閩省鹽政事務紛繁辦事員役甚眾如各
場館既為產鹽之地又為收課之區有總理分理
之員有書役有家丁均須給以養廉紙劄工食又

奏各場地方寫遠非廣設哨丁責成團長各給以工
食俾看守稽查則不能杜私裕課至臣管理鹽政
若辜

皇上天恩欲於此內染指分文便為負
國但辦理鹽務之書吏人等亦難枵腹日用心紅紙
劄實不能無且此外尚有都察院衙門公費戶部
書辦飯錢與夫銅筋河工脚費皆係每年必需之
項查通省徵收銀兩既已纖悉歸公即水客肩販
若有額外多銷亦於飭行查議等事案內
題明以作贏餘分釐皆屬正項斷不能於此內擅動

銀絲毫矣查閩省行鹽向有錢價票錢餘鹽長價伙食鹽等五項名目所有餘利似應仍照舊例存作各項費用毋許於正項之內那用分文以公完公似屬妥便但查各項所需尚未酌定而錢價等五項一歲之中共有若干亦難預料請俟歲底計算因如不足卽於次年所收各項內通融抵補如有餘皇上仍撥入贏餘案內充餉如此庶正課無虧而事務可以辦集矣理合據實奏

聞謹食餉管中管查照不論其是谷糶至中管壓鹽文奏各愚此古意數非實黃洲下責如團員各餘以工

是則因之非則革之斟酌損益在爾秉公爲之朕未經親歷目睹當之與否何可懸斷於爾陛見時朕已面諭過朕不喜爾等矯廉亦未有令官吏胥役人等枵腹從事之理總之於天理人情之內秉公調劑朕無不諒之也

伏到至文先中收臺員數吳昌振臺衙印並其結同日又亦對字不隸林具不掛西以新查亦補增奏爲遵景義報錄必再三擇以兼且其查於人前旨覆奏事竊臣前於奏義報錄必再三擇以兼且其查於人前聞事摺內附不味之中對斷必臺衙印並其結亦與前皇奏臺灣各官不能相和緣由奉批到辦轉請查核朕

硃批諭旨

四

毛文鈞

皇上殊批訪問的確卽行奏聞欽此臣輾轉訪查始知
開事其概而不和之中惟獨巡臺滿御史禪濟布與漢
官賢御史今授運使景考祥爲尤甚臣聞禪濟布欲有
奏所行景考祥務必再三執拗兼且每在他人前訾
詈禪濟布操守不潔材具不堪所以禪濟布銜恨
尤深至文武中如臺廈道吳昌祚臺灣府范廷謀
海防同知王作梅淡水同知王沂及陞任叅將呂
瑞麟等皆直景考祥而卽爲禪濟布所不悅總兵
林亮與禪濟布相得而卽爲景考祥所不悅不和
之故皆出於此至於一切備細臣尚未深知俟訪

查確實再行陳明謹因降

奏十日派派盡冬日無幾與五會商委員據陳舉示

不和之情狀已呈露朕前矣但人二不和則難辦其是
與非高其倬自京赴閩時朕另當面諭之也冬日夏殊

同日又稟罰每五五幾刻買蘇代謝官編糾四六

奏爲請撫生番事竊查據臺郡文武各官報稱查南

北兩路番社甚多其爲害於鳳諸五縣者惟山猪

毛等社其爲害于彰化縣者惟水沙連等社皆由

從前不繩以法疊具爲今之信當以番文番令各

國法遂使益無顧忌山猪毛等社向日擒獲兇犯四

皇國人稍知畏懼至水沙連等社從未甘加懲創以致
半年之內焚殺疊見爲今之計當以番攻番令各
社之通事土官擇其勇敢者數人爲前導率領番
壯直抵巢穴而使汛兵駐劄山口壯其聲勢取勝
奏甚易今幸天假其緣克番合當授首本年豐熟令
春平糶粟價每石五錢除買補外儘有贏餘可充
與公用行糧火藥各有所出但剿番惟賴冬日夏秋
不味雨水連綿鎗礮無用一交春二三月又難舉行今
奏十月將盡冬日無幾現在會商委員尅期舉行從
此海疆安如磐石等因到臣臣卽會同署督臣宜

兆熊再四熟商水沙連等社自正月至八月焚殺
不啻再三似不便再行姑息況係以番攻番而大
兵不過駐劄山口壯其聲勢實無大患故卽批准
并嚴飭伊等等畫萬全舉行矣除俟續報到日作
何剿撫並動贏餘若干另行具

奏外合先奏

聞謹將面上情狀咨各由味與贊賦式四不日開文
奏各官悉心整頓嚴辦此用不致貽誤等因奉
知道了卿等自然審其可行而後行之也

奏同日又

硃批諭旨

吳

毛文銓

奏爲密請

聖恩事竊查閩省文武生員抗糧不法不比尋常大小
奏各官悉心整理猶懼此風不能頓改若再欲於伊
等面上討好沽名曲加庇護地方卽不可問矣學
臣黃之雋凡各屬或因抗糧或因人命詳請斥革
務必批行再審卒不除名夫伊等旣犯抗糧旣干
人命刑訊猶且不招若有護符反肯吐露實情此
必無之事也之雋若不痛改前非則將來文武生
員之抗糧不法勢無底止至於文武生員卽文武
臣工之階級臣敢不實心樂育而肯苛刻待之乎

但法若一弛則諸弊叢生卽不可救藥伏懇
皇上密諭學臣黃之雋嗣後務勿仍前庇護以致浸長
頽風貽患海疆地方幸甚臣謹具摺奏

聞仰乞

皇上睿鑒謹

奏
果如此將黃之雋調回亦可借此以警戒天下學臣何
必屑屑密諭爲耶非不得人之缺可比也
同日又自奉

同日又自奉

聖奏爲據實奏明仰祈

硃批諭旨

聖鑒事竊查閩省俸工內地八府約計七萬兩向充通
省公用自奉

諭旨飭禁之後前任督撫臣滿保黃國材等商量公用
中如承造戰船辦解銅觔俱屬火急之務各項幫
貼刻不能緩於七萬之內酌捐二萬四千有零以
作前項所需餘皆給還在案至於臺灣一府俸工
不過五千一百兩零內除淡水同知彰化縣俸工
分釐不捐外其道府以下通共四千六百一十兩
零內酌捐二千七百五十六兩以充巡臺御史兩
衙門官役薪水工食餘亦給還在案以上每年動

用銀兩各改名為公捐臣查閩省公務實繁如戰
船銅觔各項幫貼尤為緊要實不能免即巡臺御
史上史官役薪水工食亦所必需但因名為公捐其實
即屬俸工詎蒙

皇上天恩至深至厚不敢不據實
皇奏明也謹
奏志
知道

高其倬抵任後爾等更當設法籌畫務令
雍正四年二月初四日福建巡撫臣毛文銓謹

奏為奏聖
聞奏

聞事竊管理閩海關之糧驛道韓奕一年又滿且身染

浮腫之症業經告病臣選委延平府知府張道沛只看所行何如耳不在焚香設誓也循例接管於既委之後即訪知該府焚香設誓立

志報効

皇恩臣聞其如此即傳該府獎勵察其舉動意甚堅而

皇上心甚切臣遂論云爾管理一年之後果有成效便

當據實保薦

皇上聖明臣下忠誠未有不知該府涕泗交流唯唯而

退今伊已於正月二十七日任事矣將來言行若

符臣即具本保薦合先

奏明伏乞

皇上睿鑒謹

奏

聞韓奕居官無狀向日於滿保黃國材處惟以鑽營為

事已有旨矣但所知尚不甚確查明據實奏覆

同日又

奏為奏

聞事竊閩省自新正以來連朝陰雨一月之內僅得三

五天晴霽故米糧漸貴延平等府每一倉石價銀

一兩以外省城每一倉石價銀一兩四五六錢不

等漳泉等府每一倉石價銀一兩七八九錢不等
查延建等處原係產米之鄉聞該處蓋藏尚多可
以無虞漳泉等處歷來仰藉臺灣之米從前
題定有例凡正二三四五等五個月每月從臺灣撥
米一萬石運赴漳泉接濟臣業經飛檄行催臺米
一至價必漸落亦可無虞惟省城五方雜處兵民
稠集因本屬產米無多獨賴上游之米今查上游
米船每日到省雖多但因頭既貴所以不能卽
平臣思每石價銀一兩四五六錢尚不謂之過高
但恐將來青黃不接之時米船不到則民情遂不

免於皇皇耳臣是以預檄上游各府動支監穀碾
米萬石定限於三月中旬陸續運省平糶此示
張人心大定先是福建有困窮刁惡之徒不知先
後緩急之宜米糧一長便欲將省城現在存倉之
穀盡行發賣殊不知省城倉穀不過留以備緊急
之用今若檄行盡發此風一播則上游米客皆裹
足不前矣臣卒不聽其鼓惑恐厘

聖懷故不敢不瑣屑奏

些少通融又在爾相機爲之也

聞也至於閩省自二月初一日起業已開朗天氣晴和
嗣後諒無久雨矣理合一并

奏明伏乞

皇上聖鑒謹

聖奏

據奏料理甚是積貯一事地方首務天下之政莫要於此當時刻留心籌畫不容少懈者也

同日又

奏爲犬馬報

主之心甚切謹陳愚悃密請旨因竊不無之於不暇此聖裁事竊惟福建一省民風土俗犬率喜爭鬪好奢靡此千百年以來之習染牢不可破者也臣默自思

維奢靡之漸固不可驟除而爭鬪之源實不可不亟遏查爭鬪常始於大姓次則遊手好閒者蓋閩省大姓最多類皆千萬丁爲族聚集而居欺凌左右前後小姓動輒鳴鑼列械脇之以威而爲小姓者受逼不堪亦或糾約數姓合而爲一遇其相持之際雖文武官員率領兵役前往押釋亦所不能臣現今通行各屬細查一邑之中大姓若干令各造冊報臣每一大姓著本族公舉品行端方爲衆所敬服者各四人命其名爲鄉望免其差徭凡伊本族聽伊約束卽與小族偶有微嫌責令解紛倘

仍有列械相持者著落協拘三年之內若無不法
事由卽加優賚如該族果能奉令風俗稍移卽擇
地建立仁里二字大坊至於遊手好閒之徒雖不
比大姓然而去之最難臣嘗推原其故皆緣閩地
凡武臣自水陸提督以及各鎮以下多屬本土之
人其內外遠近之親自甲及乙輾轉蔓延不可勝
數倚草附木羣相固結臣愚以閩省爲反側不常
之地防微杜漸當在平時臣請嗣後
簡用武臣除水師固不能不取熟識水性者不妨多用
數員其餘陸路伏乞

此奏甚是朕早存此意徐徐自另有調度也
皇上揀選北五省之人補用遏爭鬪之源而絕黨惡之

患皆寓於此實不僅遊手好閒者無所倚賴而已
也再如臺灣一府與內地相爲表裏關係非輕臣
查臺灣鎮臣林亮雖非傑出之材亦非庸愚之輩
但其昔作臺兵今爲臺鎮同伍老卒多有存者諸
凡未免姑息是以各兵皆無嚴憚之心查其人尚

屬可用若將林亮調於江浙廣東等處則伊沐
所奏甚合朕意朕久知林亮不稱臺灣之職
皇上保全成就之恩自當竭力報効臺灣要缺臣有深

知灼見之人二員一爲雲南臨元鎮臣楊天縱一
爲雲南永順鎮臣孫弘本此二臣者不惟高其倬

何省不用好官況臺灣恐非其所長
知之卽宜兆熊亦知其爲人若調一員爲臺鎮皆
此人到來看聞得陳倫炯甚好可稱此職否
能稱職餘則海壇鎮臣朱文老成持重易鎮臺灣
亦屬相當可否之間伏祈

聖裁此事所關甚大萬望

聖恩將臣此摺留中庶不致風聲洩漏謹具摺密奏以
聞謹

奏

封匣來往何妨乎至爾慮洩漏不但此摺一切俱當慎
密中更加慎密方不負朕之任用也

雍正四年三月初十日福建巡撫臣毛文銓謹

奏爲恭謝

天恩事竊臣齎摺千總回閩蒙

皇上賞臣

御書福字并風羊克食臣卽出郊跪迎至署望

闕叩頭祇領訖伏念臣以庸愚之質荷蒙

皇上天高地厚之恩

異數所加殆無倫比臣曉夜思維末由仰報惟有刻刻

凜遵

陛見時

皇上面降諭旨不敢瞻徇不敢顧忌於地方事務殫心

殊批諭旨

奎

毛文銓

整飭實力舉行仍分別次第奏

聞仰賴

聖明在上臣亦毫無隱匿回護之私見以自外生成也

爲此恭謝

天恩伏乞

睿鑒謹

奏

堅守初念不隨境而遷移乃大丈夫之所能莫易視之

同日又

奏爲欽奉

硃批先行覆

奏事竊臣具奏前督臣滿保管理鹽務諸緣由及請
留興泉道陶範暫留協辦一摺內荷蒙

皇上硃批甚好滿保鹽務內弊端雖毫末亦不可代爲
隱飾必盡情剖露方是再者景考祥非朕信用人也
觀其言行似非誠實倘有不妥處據實奏聞欽此查
問滿保於鹽務內原無染指惟有以少報多那前掩
飾日後等弊臣業經具本
題明候

旨外至於景考祥臣近觀其辦事雖因到任未久猶未

深悉鹽政情形但諸凡尚秉至公並無私心臣謹
遵

諭旨嗣後當留心訪察倘有不誠不妥之處卽據實奏
聞謹

奏

知道了已有旨矣此事爾所聞不公而且不實
同日又

奏爲奏請

聖恩事竊閱邸抄知臣標右營遊擊章隆奉
旨補授江南提標中軍叅將所遺員缺亦經奉

旨着侍衛張起雲補授臣何敢再行瀆請但查福建山

海之區巖疆重地臣兩標將領除約束兵丁整飭

營伍之外臣差遣巡查之事不一而足若非幹練

清勤可以深信而無疑者卽難任使查臣標左營

中軍守備陳徽原係

皇上挑選甚好之人才具操守將備內實不可以多得

奏仰懇

皇上天恩俯將陳徽賞補臣標右營遊擊其張起雲卽

聖慈留閩省交與督臣衙門遇有陸路遊擊缺出另行

恩宥題補如蒙

硃批諭旨

五

毛文銓

恩允臣實獲收臂指之使沐

聖慈非淺矣臣謹繕摺奏請伏乞

皇上睿鑒謹

奏

朕看張起雲較陳徽更好但爾既經試驗過之人自必於任使處尤覺穩當已准爾所請諭部矣

同日又

奏為據實奏

聞仰祈

睿鑒事竊查貿易洋船蒙

聖祖仁皇帝禁往西洋等處而安南一國原不與焉是以

廣東現在往來不絕獨閩省訪係前任督臣滿保

慾心甚大洋商力不能支難以應命故始終被抑

不行閩省山海之區民間衣食無資每多走險臣

查安南原係近境若照粵東之例此禁一弛不但

贍養無數窮民而於

國課亦不無小補臣因不敢冒昧合先具摺奏

聞如蒙

此事甚有干係俟高其俾到來詳悉籌畫具題部覆時

俞允臣即繕本題請抑臣更有請者查各省所來外國

番船亦為數甚少不比從前而閩省數年以來竟

硃批諭旨

丑

毛文銓

絕無一至臣再四訪查始知各國番船無不願來
命次中國緣自康熙五十一年以後文武大員需索
聞收陋規日甚一日如紅毛船一隻倘挾貨百萬兩上
國下者督撫提鎮衙門必各索至五六千兩不等而
以下之文武各員弁又種種抑勒此其所以風聞
畏縮不前也臣已出示遍行曉諭所有從前陋規
盡行禁革止許徵收正項貨稅聞人開洋貨行者
最多伊等與商番聲息極通輾轉流傳番船將來
必有至者至於別省臣雖不能深知大約必不能
免並懇

前據楊文乾亦將大畧情形奏過
皇上勅下廣東等省一體嚴行禁革似與錢糧大有裨

益再臣所委管理海關之延平府知府張道沛實
屬潔已奉公之員而上年管理海關之已故糧驛
道韓奕原無大不肖之處惟為伊總理廈門之家
人王子禮所欺臣訪得王子禮因伊主身故將兩
月所收稅銀竟未交清臣因錢糧關係故行鎖拏
查韓奕係福州將軍臣宜兆熊之親緣臣鎖拏王
子禮似有不悅之意然臣於此等案件斷不敢瞻
狗顧忌貽悞公事也理合一併

奏明謹

奏

知道了韓奕朕已有旨矣

同日又

奏爲奏

聞事竊臣據原任福浙總督覺羅滿保之子博諾差家人先後捧齋欽奉

硃批滿保奏摺二匣并宣

諭旨交臣敬查第一次齋來

硃批奏摺三件內除恭請

聖安雨水情形無庸具奏外所有回奏福寧鎮臣顏光

昨一件臣查據滿保奏稱總兵顏光昨漢仗好爲人勤謹於營伍地方事務俱肯留心所轄兵民相安惟識見時有不到處不肯卽爲變通每多固執是其短處等因臣查顏光昨漢仗好爲人勤謹於營伍地方事務留心洵如滿保所奏至稱所轄兵民相安并每多固執之處臣竊以爲不然查顏光昨信信用書辦程師濟父子斂怨於兵任用匪人盧自察兆基斂怨於民兵民殊不相安且其爲人和光同類此塵豪無氣骨何能固執也臣又敬查第二次齋來硃批奏摺共七件內除恭請

硃批諭旨

奏

毛文銓

聖安雨水情形恭繳劄恭請

硃批并鹽政事務三件臣業於詳請飭行查議及遵來旨察明等事各案內已將滿保是非虛實逐一味光同題明各無庸具奏外所有奏明原任叅革浙江已故布政使黃明之妻繳出印冊緣由一件臣查據滿保奏稱前項印冊雖據黃棟等供係黃明遺下但冊內所開銀兩俱係黃明在任動支公用自行詳明現有卷案可據者明係黃棟母子因有空白印冊自行填寫以圖誣賴幸蒙

皇上聖明指出隱微始得查明實據但案內銀兩關係南巡之事臣不敢冒昧遽行具本題報等因奉有

硃批臣伏思

聖祖在皇帝南巡凡諸用度實因黃緣費去者居多臣跪

讀曰又

硃批仰見我

皇上至聖至明今查本案因提人未齊現犯在浙江署督臣宜兆熊尚未審理新任督臣高其倬諒來不奏久可到故臣謹將此摺暫行收存俟其到閩交與斟酌料理外所有滿保原奏各摺共九件理合連

匣一併恭繳謹
奏八河... 知道了滿保之奪壽算未必不因此摺壞盡天良之所致也顏光昨爾意仍欲留伊此任抑或謂不宜於此任耶

同日又

脈奏為奏南... 聞事竊查臺灣一府遠在重洋之外更以得人為重臺灣縣解任知縣周鍾瑄再四訪查歷問按察使皇上汀漳道鹽運使等俱稱周鍾瑄實有才情操守亦

好所到之處甚得民心前任諸羅後任臺灣人人愛戴等語昨自摘印後兵民無日不挑送柴米甚奏至欲將該員搶出先行帶赴省城鎮臣林亮撥兵固也防守而止如此情形則周鍾瑄之為兵民愛戴實不虛也臣又知封點伊家產時搜出現銀萬餘兩巡臺御史禪濟布指為贓銀查臺灣數年以來前皇上任督撫兩臣奏請運浙及改撥漳泉并發糶米石約存穀價二萬餘兩臣現在疊檄嚴催買補歷據詳稱臺地米價頓長暫懇寬期今將此項指作贓銀實為冤抑但

臣又風聞周鍾瑄有借給臺民銀三千兩加二起
息然未審係何項銀兩并是否實有其事俟督臣
奏高其倬到日審訊即明臣總因下保洋銀二萬
皇上明目達聰求賢若渴周鍾瑄謝事之後民情愛戴
如此恐為禪濟布所構陷不敢不將臣所聞者一
并據實奏聞伏乞聖鑒訓示謹
奏
此事朕實難預定總俟審明後兩邊是非方始判然也
汝此奏所見甚偏

聞於雍正四年四月二十一日福建巡撫臣毛文銓謹
奏為奏

聞事竊臣奉國賦若不單斜來者餘無多野合再照
命管理鹽政自去冬十月中任事以來痛絕那移嚴查
捏報除舊額銀九萬四百六十一兩新加銀八萬
二千二百兩如數收齊外所存贏餘不減二年所
報之數統俟小衙門需索國賦則難計其不思眾
奏銷時另摺奏聞其甚小閩省屢年以來竟無一
聞今接准部咨欽奉前旨復
恩旨着督臣高其倬與臣同辦俟高其倬到任後臣等

恩旨必當和衷料理仰報同轡對高其軫隆出於聖
皇生狂用殊恩又詎前

奏各省所到外國洋船甚少閩省數年以來竟無一
至因文武大小衙門需索陋規所致臣已不忌衆
怨當經出示將陋規盡行革除詎逆料嗣後各處
番商必有闖風而至者百六十一兩洋銀雖八萬
命國家經費需用殷繁若得番商踵至裨益亦非淺鮮
聞重然別省陋規若不革除來者終屬無多理合再摺

奏

聞伏乞

聖鑒謹

皇上睿鑒謹

奏

果以實心行實政則其效必不虛此自然之理也

聞雍正四年五月初四日福建巡撫臣毛文銓謹

奏為奏明事竊惟閩省春雨過多場鹽稀少山僻之
所幾有淡食之虞臣雖移緩就急竭力經營終難
徧及今幸四月二十三日以後天氣晴朗場鹽廣
產各處水客趕運接濟殆無虛日不但民間無淡
食之虞而各處鹽價亦復漸平恐塵

聖懷理合奏

殊批諭旨

空

毛文銓

聞謹聖合奏

奏

所奏已悉凡百但以公正存心自律誠敬對越神明
上蒼之感應有如影響切勿視為渺茫無憑也敬之慎之

同日又

奏為再摺奏

聞仰祈五四年正月八日

睿鑒事竊查閩省米糧價值雨水情形經臣節次奏

聞近來各處仍復如常惟泉漳等府又較前少長蓋緣

粵省潮州府米價高騰紛紛赴閩省廈門等處購

求以致本地米價轉貴臣疊據稟報思潮州亦係
如此方是現今爾等亦使人往浙省採買也
皇上疆土豈可過糶隨聽其採買復於各處截留并別

為設法運濟然後各得相安至於應徵錢糧臣相

時度勢此後似宜少為寬緩雖不必停徵而亦須

俟民間新穀登場再勒限期也再前者接准部咨

調解京餉銀三十一萬兩零臣因事關重大故不

敢不據實具摺仰懇

聖慈免解今臣復輾轉躊躇若存此三十一萬兩零不

但雍正五年春餉無憂雍正五年夏餉亦可藉以

通融蓋凡外郡各標鎮協營夏餉例於三月初旬

殊批諭旨

奎

毛文銓

起卽先後來省支領查正二兩月開徵未久歷來
不過徵得五六萬兩不等而三月初旬之內所收
亦屬無多夏餉約需三十五六萬兩若解三十
萬兩零是所賴者惟正二兩月及三月初旬現徵
之數而已甚屬不敷雖部撥有銀而徵收不及如
何接濟伏乞

聖鑒謹

奏

此事朕殊不深悉怡親王公正不私爾所見如果得理
卽應據情報部請示今便奏朕朕亦發部議也倘怡親

王向爾等索使用論私費則不免勞朕一番料理但非
也觀爾屢奏急迫之情景必係報部存庫之項不足於
中有遮掩之弊若有此等緣由當及早認罪檢舉若朦
混摺奏希冀朕以不悉之事降旨斷無是理此等偏聽
之私朕不爲也朕信得及怡親王至於爾等朕實未能
深信諒怡親王必不肯將不應撥之項撥解爾但據實
報部王自有斟酌料理之道設欲弄巧欺隱鑽營趨奉
王斷不爲搖動也真忠正賢王秉公不私實乃鐵漢非
爾等庸常具臣所可比擬諸王大臣欲望朕如待怡親
王信任之恩當效法王之居心行事若不能如是效法

朕又何肯如是相待也勉之

雍正四年五月十四日福建巡撫臣毛文銓謹
奏為奏

聞事竊惟閩省上年被水收成歉薄今歲春夏之交雨水過多各處米價高昂經臣節次奏

聞在案臣查本省收成歉薄而江西一省豐准據汀州鎮臣汀州府知府咨報民間遏糴不容來閩廣東潮州又日至泉漳搬運以致米價騰貴查汀屬之歸化等邑漳屬之漳浦等邑泉屬之同安等邑每米一倉石需價二兩五六七八錢不等臣密諭各

屬切勸富戶乘時出糶既可拯救桑梓復可免奸民虎視遵法者固多而囤積如故者亦復不少是以有等不法者往往百十為羣勒民罷市短價強買少不如意卽行搶奪臣度其緩急量其輕重分別恩威隨時整飭現今俱各安帖獨今本月初十日省城河下有米船數隻係興化府客人從延建等府運至該地發賣者舟至南臺卽有奸民糾眾攔阻不容過橋意欲搶奪閩縣知縣前往解釋奸民不從羣起喧譁舖民恐怖卽行罷市本日晚省城匪類知南臺之信卽效尤聚眾搶奪米舖兩家

臣聞報立委中軍遊擊劉定國將軍臣宜兆熊亦
立委中軍副將梁鳳呈各帶兵前往查拏當場卽
將首犯二名捕獲處以重法十一日巳刻各奸民

所謂重法者係何等法耶

竟敢無端直到臣衙門挨折柵欄進至轅門喧嚷
據云平糶官米每一倉斗價銀一錢一分太貴要
求減一分等語臣查官米每倉斗賣銀一錢一分
可謂平減之極豈容藉口爲非故臣立將爲首者
一十七名卽時拏獲開門坐堂逐一嚴刑究處聞
人懍悍非威不畏臣嚴處之後卽取一百二十觔
大枷原欲將伊等盡行枷斃以爲不法奸民之戒

緣本城各門鄉保百姓人等知臣執法甚嚴各詣
衙門叩頭瀝血焚香環跪代爲乞命并各認保
望恩回家永行拘管不敢爲非臣再三當堂親訊知其
奏實出誠心仰體

皇上如天好生之德將伊等釋放現今省會肅然地方
寧帖因有此一端并臣處置緣由不敢不一併據
實奏

聞謹

奏

何怯懦至於此極但不知米價曾否依從減去假若彼

時惶懼業已依從減價則汝此巡撫之任猶可覲然居
之乘此等越格不法之事竟如是草草完結成何體統
爾輩如未看透汝等伎倆豈敢猖狂若此此風一長恐
類斯舉動接踵至矣摺內尚奏稱非威不畏等語殊屬
無耻可笑之至有玷朕之任用且大負朕之期望也
皇上同日又坐之殿內等語朕與今各會黨然朕衣
奏爲仰請 小 辦

聖恩事竊查閩省自上年歉收之後米價漸長今歲雨
水過多天氣寒冷禾苗興發甚晚所以米價日騰
除省城延建邵武福寧等各府州尚有市米以及

存倉積穀可以支持外其餘如泉漳興化汀州等
望恩府米價日見高昂民間類多乏食而泉漳爲尤甚
臣再三撥救運濟但二府民居稠密且粵省潮州
府來閩搬運者又復帆檣不絕所需甚廣勢實難
周茲幸臺灣大小二麥并早穀登場臣卽委督標
守備邱朗星夜齎文前往斟酌採買市米并令道
府先將沿海各縣易於登舟者動撥倉穀五萬石
運赴漳泉查刻下泉漳二府人民赴省就食者日
至三四萬人臣竭盡駑駘協同文武諸臣刻刻留
心安輯約束料理至新穀收成百姓始得安心樂

業臣以庸材謬當大任凡事不敢不始終籌畫閩省生齒浩繁全賴本地產米並江省粵省收成不薄然後方保無虞今粵東自顧不遑且大爲閩省之累本省自五月以來雨水調勻但禾苗興發既晚分數必減卽至收成後米價必不能平若不預爲之計萬一至期歉收將何救濟今臣雖現在檄司借支庫銀委員前到江西採買以備將來之用但查江省現已過糴竊恐無益仰懇且粵省儲備聖恩勅諭江西撫臣裴率度飭行各屬動撥在倉積穀碾米十萬石各令運至閩省交界處所臣委員齎

持脚價前往盤運來省分發各府糶賣查江西產米之鄉似可通融除此之外可以仰給者惟江浙兩省查浙江原非有餘之省況臣業已發銀委員採買不便再令資助江南本地所產旣饒而湖廣之米日至蘇州者不可勝數臣查蘇州之米須從乍浦由海運來閩惟用北風今值南風之時待至北風之候爲日尚早如至期間省收成不薄約可皇上支撐除江西一路外無他求否則臣必須動發庫銀委員往蘇採買合先

奏明臣緣邊海重地食爲民天近日各府雖各安帖

奏若至無可如何之後必不能保其不滋事端也伏
乞委員由糧道買合米

皇上睿鑒謹
奏北風之烈近日尚早成不
此等情形何不預先奏明而為斯臨渴掘井之計今已
時屆仲夏乃云若至無可如何之後必不能保其不滋
事端是何言歟且計閩省存留新收米穀有三十五萬
餘石各府監穀一百四十二萬餘石摺內總不提作
何動用第言動發庫銀向隣省各處採買則前項穀石
諒皆虧空無遺矣爾所司者何事爾之身家性命事小

朕之億萬赤子關係緊要今於爾奏到之日已卽勅諭
江西撫臣裴率度速碾米十五萬石運赴閩省交界爾
其遵照部文速速料理朕用爾為閩撫太誤矣將此諭
俟高其俾到時與看月谷米價亦依其給各報風

雍正四年六月二十五日福建巡撫毛文銓謹
奏為新稻將次登場人心大定特摺奏
聞仰慰閩省一應不致
聖懷事
前因閩省各屬米價日騰民間類多乏食
再三撥救今幸六月中旬以來如漳泉興化等府
收穫甚早之處新稻漸已登場米價稍減省城雖

硃批諭旨

充

毛文銓

有早稻但收割較遲延建邵多種晚禾刈獲尚需時日所以米價如舊然人心俱已安帖矣自五月望對以及六月上旬米價貴時臣深慮山海之區游手閒心好閒井一應不逞之徒藉名滋事故預先密札各屬刻刻留心防範除平糶倉米外仍令各取烟戶冊查明實在無可如何之窮民卽爲賑恤如省城按照烟戶冊窮民各給米數次外其餘各府屬缺米已甚之所日於各門煮粥省城係臣同司道府縣捐給各府係各該地方官及本處富戶紳衿捐助臣愚以爲先將實在窮民安頓外其餘有田產

有藝業可以支持者烟戶冊內開載甚明若敢糾衆強借強搶此卽天性兇頑而別具肺腸者也自當嚴行鋤治查自米貴以來各屬稟報強借強搶雖亦時有然實在窮民旣多安頓此外滋事奸民未有不卽時拏獲分別究處者至於各處田禾臣差人驗勘自五月中旬以後各府雨澤不齊且禾苗亦不能十分暢茂臣細詢田父野老云十日半月之內若得甘霖大沛尚爲有年等語臣卽通行各屬虔誠祈禱昨於二十二十一兩日省城大雨四郊霑足竊料外郡於此二日內亦斷無不霑足

之理閩省億萬生靈無不仰賴

聖德感召

天和得免流移理合一并奏

聞仰慰

聖懷伏乞

皇上睿鑒謹

奏

去冬今春不能未雨綢繆早爲計慮致貽朕無限憂懷
今何顏復具此奏高其倬業已到閩可不須汝無用之
煩瀆也

雍正四年七月十八日福建巡撫臣毛文銓謹

奏爲

聖恩浩蕩臣罪無辭事竊臣於五月十四日具

奏閩省米貴情形并請可否

勅諭江西撫臣動撥存倉積穀碾米運閩接濟各緣由

欽奉

皇上硃批臣跪讀之下恐懼慙惶無地自容荷蒙

皇上天地包容臣惟有感激涕零而已至於捐積監穀

除上年已賣未補及借給兵米并虧空參追各報

部有案外其餘實無虧空但緣閩省不啻萬萬生

靈日食甚多不敢徒恃倉儲然於緊迫之時已皆
動撥協濟臣於各處採買動撥并招商客販糴作
此舉動者實因愚昧無知過於憂思深慮本年萬
一荒歉若倉儲一盡外糴緩不及時歲內尚可支
持而次年春夏不免掣肘即臣

奏請動發江西之米亦為次年春夏計也今幸六月

二十一二等日省城大雨之後據各屬飛報無不

上

蒼若無顯示則感應之道泯矣朕實代汝抱愧不淺

甘霖大沛是以將成之稻更加結實已種之禾即
時頓長未種之禾盡皆佈插年登大有萬民歡慶
各處米價無不漸減而各屬倉穀多有節存以備

緊急除俟飭行藩司查明存撥數目彙詳到日據
實造報戶部外臣緣荷

嚴綸不勝俯伏待罪之至謹

奏

既將地方貽誤至於此極則已負重罪矣何猶言待罪
耶

雍正四年八月初四日福建巡撫臣毛文銓謹

奏為奏

聞事竊本年丙午科鄉試臣例於八月初六日入闈供
事所有鹽課贏餘以及八月初六日以後地方事

宜容臣出闈後另行具

奏理合陳明伏乞

皇上睿鑒謹

奏

地方事宜無庸爾另奏件件悉聽從高其倬一心辦理不爲掣肘不立異同卽爾之功也

雍正四年九月十六日福建巡撫臣毛文銓謹

奏爲奏請

聖訓事竊查備荒之道莫善於社倉而社倉之設其於邊海尤宜臣細察閩省自奉

諭旨之後各屬旣已無不遵行然而大有成效之處至

今尚少臣現擬將各州縣分別上中下三等上等者立爲十二區中等者立爲十區下等者立爲八

區每區通計村莊若干擇適中之地令設倉廩每

歲遇秋成地方官善爲勸導就近運貯各存村莊仍

令推四般實誠篤之人輪流執掌倘遇荒歉卽以

某區所捐之穀借賑某區人民其倉就令本區之

人挨甲看守凡諸出納務須通區共見共聞各該

州縣如果措置得宜勸導有方每區各捐穀至二

千石者應否容臣彙題給以紀錄一次以示獎勵

臣未敢擅便合先奏請

聖訓謹 奏人 此事 有考成勢必至於逼勒輸納萬萬不可者也

雍正四年十月十二日福建巡撫臣毛文銓謹

奏爲仰懇

聖恩事竊臣衙門筆帖式端揆臣查其爲人鯁直奉公守法故臣特委伊在於水口關盤查私鹽自伊任事之後上游私鹽甚少卽督撫之差船至關亦必逐盤查不少假借又如鳳山縣下淡水巡檢魏

如玉居官廉能辦事勤敏因陞授江西南安府照磨經臣兩次咨部請留接准部咨行令具題再議又經臣會同督臣高其倬

題請留閩俟有相當之缺補用在案又如淡水同知王沂接准部咨因前任廣西恭城縣任內檢驗不確降二級調用臣查王沂不事昵比不畏強禦凡海洋船隻一有可疑搜剔查拏不遺餘力昨勦撫水沙連等社業經督臣會委王沂帶兵進攻且臣已商之督臣嗣後臺府凡有恃財不法藏匿奸匪事發皆欲委該員抄逐經理此實可信之員也除

端揆臣不過將其奉公守法之處奏明魏如玉請
留補用業已具奏在案伏乞聖鑒訓示謹
題所有王沂臣現在繕本會同督臣高其倬具本
題留到日仰請
皇上天恩俯准將該員帶所降之級留任海疆幸甚謹
奏王沂臣北滿查辦等因欽此伏乞聖鑒訓示
進賢退不肖乃爾等職分之所當為但看陶範張道沛
即可知爾取人之識見矣凡百聽高其倬行自無錯謬
此奏皆可不必

雍正四年十一月初九日福建巡撫臣毛文銓謹

奏恭請又

皇上聖安

朕安今已將爾陞用爾不可因離任遂怠於所事於新
任未到之前更當竭力料理俟新撫到日將一切未了
各件一一交代明白方為大臣之居心也若少疎懈致
有錯繆至京何顏見朕
同日又增發詳報欽此欽此欽此欽此欽此欽此

旨奏為奏明事竊惟延平府應存倉穀雖據該知府張
猷道沛屢次詳稱奉前任督臣諭令碾米救濟兵民
所有米價現發各縣買補委非虧空等因臣緣前

項穀石既無實貯不敢輕信經臣空等因詳請
 題參請覈其精詳奉前旨督引備令題米殊齊其
 旨革職究追在案查該員經委管閩海關事務雖現今
 並無侵蝕錢糧情弊但或恐尚有朦混之處故特
 委泉州府知府張無咎接管令其徹底清查倘少
 有營私漏報臣即據實題參理合
 奏明謹

奏

方寸中但秉一公字何事不辦

奏同日又

奏為奏

聞收成分數現今米價事竊查閩省約計各屬收成俱
 奏有七八分不等現今米價福州府屬每石一兩以
 皇土及一兩三四錢不等惟羅源縣八錢五分興化府
 屬每石一兩一二錢不等泉州府屬每石一兩四
 五六錢不等惟晉江南安二縣一兩八九錢漳州
 府屬每石二兩三四五錢不等惟龍溪海澄二縣
 一兩七八錢延平府屬每石一兩二三錢不等惟
 順昌縣一兩六錢建寧府屬每石一兩七錢不
 等惟壽寧縣一兩八錢六分邵武府屬每石一兩

以及青兩五分不等惟光澤縣九錢汀州府屬每石九錢一兩以及一兩二三錢不等惟土杭永定長汀等縣一兩五錢以及一兩七錢臺灣府屬每石一兩二三四錢不等福寧州屬每石一兩二錢惟寧德縣一兩六錢五分臣謹具摺奏

聞伏乞

皇上睿鑒謹

奏

據奏收成分數米價情形深慰朕懷

雍正四年十一月二十八日福建巡撫臣毛文銓

聞奏爲奏

聞事竊查本年七八月間浙江台州府所屬黃巖洋面

聞事頻頻失事盜徒多屬閩省之人臣等無分水陸喫

奏緊嚴拏所有盜窩業經緝獲盜夥亦獲多人惟盜

首陳尾潛逃今已於十一月二十二日准水師提

臣藍廷珍咨報盜首陳尾已於本月初七日在平

奏海地方拏獲解至廣東潮州府請撥潮州鎮臣衙

聞藍門兵役協解來厦等情除俟解到日聽督臣高其

倬同先獲盜窩盜夥一併押赴浙江撫臣衙門審

硃批諭旨

毛

毛文銓

題外理合奏富盜一併時使此盜百番門審

聞謹門共發圖報來買善計劍劍續陸日蘇習高其

奏請此大琴藝續至魏東陳州訊請錄斷州

此案盜首不致漏脫先後緝獲多名甚屬可嘉日五平

同日又都遊今月廿十一日二十二日非水浦吳

奏為奏琴祖計盜富業孫據蘇盜案之人計盜

聞事竊查漳浦縣匪類黃尾門插榕樹青枝為記欲圖

聞事進城搶劫富戶一案經臣節次奏聞黃嶽執面

聞欽奉

硃批臣欽遵

諭旨當經疊次嚴行縣府司去後今據將本案人犯屢

聞加刑審係林昂為首因林昂貧無聊賴起意劫搶

與陳鎮商謀招人陳鎮遂招葉龍復令葉龍回家

招人林昂亦先招有徐愷寧涂廷黃尾等三犯因

所招之人尚少不能行事所以並無入城搶劫的

期而黃尾涂廷回家即先於門首各插青枝黃尾

遂被營兵獲解訊供輾轉妄扳陸續拘緝多人縣

府司再三鞫審同夥定謀者實止林昂陳鎮葉龍

徐愷寧黃尾涂廷等六犯未入夥定謀實明知林

昂等欲行不法首鼠兩端者則有涂法涂蒲等十

硃批諭旨

庚

毛文銓

犯餘皆畏刑妄扳經臣反覆駁查歷據縣府司覆稱實無毫髮遁情臣恐有未盡復會同督臣高其倬提齊衆犯逐一嚴加會審衆口一辭實與縣府司所審無異當卽商同督臣除陳鎮葉龍已伏冥誅外卽將林昂押發漳浦縣杖斃通衢示衆徐愷寧黃尾涂廷各重責枷號仍永行監禁其未入夥之涂法涂蒲等十犯各與重責枷號滿日交與各該族隣鄉保收管約束餘皆保釋理合據實奏

聞伏乞

皇上睿鑒謹

奏

原爲明白此案情由今據奏旣經研審已得實情則如此發落亦屬處置得宜

同日又聞

奏爲再摺奏

聞仰祈
聖鑒事竊查閩省收成分數米糧價值臣經奏
聞在案今臣復再四行查各府收成分數并米價與前
無異惟漳州一府報稱所屬晚稻昨於收成後因
穀粒不飽不能有七八分收成各屬地瓜係人民

充作糧食者因今年早寒隕霜地瓜竟不長發枝
條甚小等語故目下米價每石較前增長一二錢
不等不得不預爲之計臣已商同督臣高其倬在
江南山東買運米麥外又現在別省及本省收成
最好之處採買運貯以備緩急之需臣料其餘各
府州俱有七八分收成至明年青黃不接之時尚
可支持獨漳州一府居民稠密而收成稍薄故臣
等商量先將福州府倉存貯浙穀運二萬六千石
至漳州府倉庶便臨時分發至於漳泉乃唇齒之
邦若明春漳州米糧一貴則泉州米價勢必漸騰

亦宜預備今亦撥浙穀一萬石赴泉州六千石赴
廈門再查南澳雖半屬廣東半屬福建向來只藉
潮州之米今潮州米價每石三兩斷不能接濟且
南澳一島孤懸海外兵民雲集更宜先事圖維臣
將今秋所買江西之米二千石現在飭行布政使
天恩沈廷正委員運赴誠恐不敷今又撥米一千石續
奏行運往理合一併奏

聞謹

奏撥五四平十二月二十一日
撥運救濟甚屬妥協知道了常資未到之先母因陞任

卸事稍爲怠忽更宜上緊料理方是

奏雍正四年十二月二十一日福建巡撫臣毛文銓

聞 謹

奏爲恭謝

天恩事竊臣具奏臣衙門筆帖式端揆奉公守法原任
下淡水巡檢魏如玉居官廉能并淡水同知王沂
不畏強禦等因欽奉

硃批伏念臣荷蒙

聖慈畀以封疆重任不能進賢退不肖罪實無辭臣跪
讀之下不勝感激涕零臣前保薦陶範張道沛

員臣實昏庸未能信其才具操守何如只以現在

所聞所見者冒昧具奏於旣委之後留心查察知

上備陶範緣練達鹽務而遂有營私之處臣不敢回護

皇上卽商之督臣高其倬題叅究審張道沛本任內有

倉穀未清并聞從前有勒借屬員銀兩臣亦不敢

奏回護併卽題叅究審但識人之才實臣所短茲奉

恩綸感愧無地謹具摺恭謝

天恩伏乞

皇上聖鑒謹

奏

硃批諭旨

知人原難何能保其終始如一察知其非而不袒護則無過矣朕恐爾等封疆大吏或被屬員欺蔽故諄諄告誠耳

奏爲具奏奉發

硃批原任督臣滿保奏摺事竊臣蒙
皇上發交滿保奏摺三封臣敬謹檢查內有
上諭一十三道清字奏摺一百七十二件漢字奏摺三
十六件清漢摺一件漢字條陳二件陳受漣劣蹟
欸單一紙臣謹將滿保各摺內敷陳地方利弊保

奏文武官員動用錢糧彌補庫帑收受規儀等項
一切大小事務逐一詳查據實分別是非虛實間
亦附愚昧之見恭摺齎奏伏乞

皇上睿鑒其餘叩請調養

聖躬恭謝

天恩奏繳

硃批諭旨恭請

陛見奏報雨水米價收成等件臣不敢重複敘入煩瀆
聖聰其各原摺現交督臣高其倬逐一檢查俟查清一
併恭繳先此奏

硃批諭旨

聞謹

奏

覽

將爾所奏之摺發與高其倬常賚同看矣

同日又

奏爲奏

聞事竊查原任督臣滿保於遵

旨回奏事摺內奏稱臣等所奏匣內另封紙面蒙

御批總督滿保巡撫黃國材開看欽此臣等開看乃監察御史吳達禮題叅安平遊擊游全興衰老應令

休致摺內蒙

御批此係何故確議秉公具奏欽此查游全興因精於

水師調補澎湖千總康熙六十年征剿臺灣時游

全興率領自己船隻歸入林亮董芳隊內將鹿耳

門先行攻取與賊交戰四次皆身先士卒所以將

伊保放閩安守備奉部議敘加以四級故臣等保

題奉

旨特授爲臺灣水師營遊擊年纔五十八歲身仍壯健

但日在海船辛苦顏色蒼老身體亦瘦人亦老實

不解言語應酬故外面看得似老較其實並無衰

老之處等語臣查游全興於臺變時伊果實心効力與賊交戰之際身先士卒滿保所奏不虛今現任金門鎮標右營遊擊諳練水師營務但年實就衰矣理合據實奏

聞謹

奏

爾說與高其倬留心看驗如可以坐理營務防禦地方尚不至於昏憤便多幾歲年紀無妨

同日又

奏爲奏

聞事竊查原任督臣滿保爲將督署所得之項奏陳等皇上事摺內奏稱查臣總督署內福建藩司每年送火耗銀五千兩衙役錢糧二千兩爲臣養贍家口公私賞賚之費浙江藩司無所給之項浙江鹽法道每年送銀一萬兩司道府官內有饋送禮物臣查其居官行止亦間或收留此外州縣並武職之物俱不接受等語臣查總督衙門藩司所與者每年原止有五千兩并衙役馬械銀三千兩浙江藩司向聞專無所給浙江鹽法道止有銀一萬兩至於司道府節禮滿保俱收卽州縣之禮亦接獨武職之物間或

接受又奏外惟州縣之數亦甚濶九鄰之數聞之
 聞事摺內奏稱杭州開捐據布政使詳稱每石折銀
 兩八錢每百兩增加十兩外每石再加五錢八分
 除部費六分外其餘一錢二分以備各衙門使用
 今臣不令分給各衙門盡令備辦公務等語臣查
 滿保在任時杭州開捐除部費公用外滿保另有
 加增取用之處但尚未知確數臣既有所聞不敢
 不據實陳奏伏乞 聖鑒謹奏

皇上聖鑒謹奏
 聞奏

據此亦情理所必有之事所奏甚公

聖鑒同日又奏
 聞奏為據實奏

聞事竊臣查原任督臣滿保於請

旨事摺內奏稱漳州府知府員缺要緊欲將廈門同知
 耿國祚補放其廈門同知員缺將福州府通判馮
 鹽補放等語臣查現任漳州府知府耿國祚實有
 辦事之才滿保所奏不虛獨操守稍為不及並為

聞事人微有粗俗放縱之處至於馮鹽係平常之員與
 廈門同知合缺殊不相宜業經督臣高其倬會參

在案矣理合據實奏

聞謹

奏

爾雖離任在卽其耿國祚操守一節再三教訓伊加勉

常賚到時亦將此諭密傳與知令其留心試看

自奉同日又

聞奏爲據實奏

聞仰祈

聖鑒事竊查浙江主考陳萬策自杭州撤闈之後來至

閩省泉州原籍緣有該地方富民李尊性者於

聖祖仁皇帝忌辰演戲似此目無法紀之徒罪不可追萬

策亦云必當詳究及至知縣教官具詳學臣並司

府衙門批查之後不審萬策何意忽欲消弭其事

此外戶婚田土不問是非時復干預又萬策係泉

州人氏家居晉江凡拜客必借提臣衙門執事八

奏轎口出大言誇示文武各官頗多畏懼又萬策不

皇上顧通省大計忽欲市恩鄉里輒至明倫堂令將該

閩州縣府存倉積穀盡行動發平糶該縣向萬策云平

糶倉穀當在青黃不接之候今尚非其時再四婉

言停止萬策復諭鄉約遞呈請發嗣因衆鄉約亦

稱實非其時而罷似此行為實乃輕舉臣不敢隱
瞞理合奏并請黃不封之例今尚非其部再四披
聞伏乞 皇上聖鑒謹
奏 禮口出大言高示文流各官敢之毋罪又萬策不
如此據實直陳朕甚嘉之爾等外任大臣能如是仰體
朕意而行將此等招搖之徒處分幾人孰敢復踵此習
斯實治天下之要道毋視爲深刻之舉朕亦從不好苛
察也不若此天下事何能就理勉之勉之 毛文銓謹
疏 雍正五年正月初七日福建巡撫臣毛文銓謹萬

奏爲奏請

聖訓事竊惟福建地方山水交錯易於藏姦必宜刻刻
洲隄防閑海洋已定有官兵分巡總巡之例而各處大
山並無官兵巡查竊恐匪類潛匿其間日積月累
漸難捕治 臣愚擬倣海洋巡查之例凡有名之大
山揣時度勢或每月或每季令各該鎮守之副參
遊等官遴遣標下能員酌帶兵丁改扮衣裝密往
巡查是否可行伏乞 皇上指示遵行謹
奏

曾經屢諭諸務與高其倬會商爾仍只獨奏朕不解是何意見也

雍正五年二月初十日福建巡撫臣毛文銓謹

奏爲

聖恩之高厚難名微臣之感激無盡再陳謝悃仰祈睿鑒事竊臣謏劣之材庸愚之質幸叨皇上天恩由雲南布政使擢陞黔撫赴京

陛見又奉

特旨巡撫閩疆

皇恩浩蕩

聖訓諄詳雖草木昆蟲尚有知覺況臣亦存人性敢不

仰體

皇上生成大德冀伸報効微忱自惟才力不逮正深跼

踏靡寧何期

恩綸下頒陞臣爲鎮海將軍又蒙

特命來京聞

命之下驚惶無地感激涕零臣犬馬之私得以仰覲

天顏庶可稍慰而京口重地一應沿海機宜更得敬聆

聖訓知所遵循臣卽粉身碎骨亦難仰報

皇上稠疊洪恩於萬一除遵例恭疏

皇奏謝外合再具摺恭謝
天恩伏乞
睿鑒謹
命奏下
常賚到
另行奏請
或可不必
至期候旨
再定

同日又回

皇奏為欽奉
上諭事竊臣於恭請

聖安摺內欽奉

硃批伏讀

聖諭

皇上之教臣者深望臣者切而臣之仰報

皇上者即捐糜頂踵亦難酬萬一今蒙

皇上天恩陞授鎮海將軍臣現在閩撫之任自應在任

盡一日之職更當竭力料理而未了各件欽

聞

聖諭令臣明白交代新撫是

皇上之教臣望臣者如此之深且切臣雖駑駘若少疎

懈致有錯繆何顏以對人今奉

硃批諭旨

聖主卽夙夜問心又何以爲人今奉

硃批臣益當仰體

聖懷敬謹遵行理合奏

聞謹奉

奏

因楊文乾請假故命常賚暫署廣撫已復命何天培在
京口代爾署理矣爾其安心協助高其倬料理閩省事
宜可也

雍正五年四月初四日鎮海將軍署理福建巡撫

和川印務臣毛文銓謹

奏爲奏

聞事竊查粵省潮州府因連年薄收傳聞目下米價每
石約銀五兩有餘臣不敢岐視故上年曾經撥米
三千石接濟潮州嗣因粵省督撫移文中止遂將
前項已運之米添濟南澳兵民查今歲潮州米價
較之去年加長臣與督臣高其倬商量倘江米運
足如可移緩就急則必酌量或六千石或八千石
或一萬石陸續運濟潮州至期另行奏

聞至南澳本年需米更急臣等仰體

皇上一視同仁之意不敢稍諉粵東已先後運米八千

七百六十餘石接濟在案合併奏

聞謹

奏

隣封皆係朕之赤子爾等自應不分彼此一視同仁者也

同日又

奏爲奏

聞事竊查臺灣孤懸海外有克番之患有匪類之患而匪類爲害更甚今北路克番仰賴

皇上天威業經臣等會委勦平其南路克番尚須整頓

臣等復經嚴飭料理相機勦撫矣獨匪類之患臣

日夜繫心密飭隄防今竟有罔知法紀之陳三奇

等欲在阿猴林地方蟻聚爲匪糾集未成卽爲營

縣知覺各路星飛捕緝陸續拏獲首匪陳三奇并

王命獲夥匪林居徐龍等六十一名據該鎮道府縣歷

聞去審緣已獲之徐龍并未獲之鄭填鄭合欲謀爲匪

王命因陳三奇曉地理并識字遂糾之入夥并推爲首

各匪輾轉相糾除以上現獲之一十一名及未獲

之鄭填鄭合二名外尚有未獲之黃六師陳老等

六十一名各行分竄與督臣高其倬商量海外

不比內地更應從權料理以懾奸徒之魄茲經會
行鎮道立將倡謀爲首及爲從而情重者俱令請
出該鎮神林保劍四土與等之十一名又未盡
王命就地正法餘犯均各牢固監禁聽候奏請爲首
聞去後茲據臺灣道吳昌祚報稱已請出鎮臣請爲首
王命將爲首之陳三奇一名正法將爲從情重之林居
黃允黃萬三名杖斃內徐龍一名亦係情重之犯
因另有行劫之案應於彼案歸結餘俱監禁聽候
等因前來除現獲之陳三奇十一名外其未獲
之鄭填等一十三名已據該鎮道府縣訊明悉屬

同謀匪犯臣等已飛飭作速嚴拏務獲另摺奏

聞謹將陳三奇等欲謀爲匪及旋被拏獲并會行鎮道
各緣由先行奏

聞伏乞

睿鑒謹

奏

知道了果地方上文武官弁根本不失此等匪類亦何
能爲不過自取誅戮耳朕意惟以察吏治整營伍爲先
百凡務本爲要防匪猶屬第二義也朕先批爾奏摺可
與高其倬同看

與高其仲

百五務本

新其本

暇遊下界

奏

觀樂

問分

各緣由

問新

同



